



Broj:
Sarajevo, 09.06.2025. godine

PRIMALIŠNO:	10-06-2025		
Organizaciona	Klasifikaciona	Redni broj	Broj prijema

PARLAMENTARNA SKUPŠTINA BOSNE I HERCEGOVINE
PREDSTAVNIČKI DOM

01-50-1-1328/25

Na osnovu člana 8. Poslovnika Predstavničkog doma Parlamentarne skupštine Bosne i Hercegovine („Službeni glasnik BiH“, br. 79/14, 81/15, 97/15, 78/19, 26/20, 53/22, 59/23 i 87/23, 50/24 i 73/24), podnosimo

POSLANIČKU INICIJATIVU

kojom Predstavnički dom Parlamentarne skupštine Bosne i Hercegovine inicira da Vijeće ministara Bosne i Hercegovine pokrene proceduru potpisivanja Sporazuma između Bosne i Hercegovine i Sjedinjenih Američkih Država o strateškoj saradnji u oblasti energetike u Bosni i Hercegovini

Obrazloženje

Inicijativa za potpisivanje Sporazuma između Bosne i Hercegovine i Sjedinjenih Američkih Država o strateškoj saradnji u oblasti energetike predstavlja važan iskorak ka jačanju ukupnih bilateralnih odnosa između dvije zemlje, uz poseban fokus na unaprjeđenje energetske sigurnosti, ekonomskog razvoja i tranzicije ka održivim izvorima energije.

Sjedinjene Američke Države su dugogodišnji partner Bosne i Hercegovine u oblasti razvoja demokratije, sigurnosti, ekonomskog razvoja i institucionalnog jačanja. Ovaj sporazum bi dodatno učvrstio saradnju kroz strateško partnerstvo u jednom od najvažnijih sektora za budući rast – energetici. Pored političkog i ekonomskog značaja, sporazum bi ojačao povjerenje i otvorio nova vrata za američke investicije, posebno u projekte koji se odnose na čistu i obnovljivu energiju.

Bosna i Hercegovina je kroz svoju Energetsku strategiju do 2035. godine definisala ključne prioritete: efikasno korištenje resursa i energije, sigurnu i pristupačnu energiju, energetske tranzicije i zaštitu okoliša, te usklađivanje regulatornog okvira sa EU standardima. Sporazum sa SAD pruža konkretan okvir za realizaciju tih ciljeva, naročito kroz tehnološku modernizaciju, digitalizaciju energetske sistema, razvoj pametnih mreža i izgradnju infrastrukture poput gasnih interkonekcija i skladišta.

U „Indikativnom planu razvoja proizvodnje od 2025-2034“ koji je izradio NOS BiH, predstavljeni su kapaciteti i moguće investicije u nove proizvodne energetske objekte, i to:

- u izgradnju novih hidroelektrana ukupno planirane instalisane snage 1.800 MW;
- u izgradnju vjetroelektrana ukupno planirane instalisane snage 2.160 MW;
- u izgradnju solarnih elektrana ukupno planirane instalisane snage 3.320 MW;
- u izgradnju termoelektrana ukupno planirane instalisane snage 452 MW,

što govori o velikom investicionom potencijalu Bosne i Hercegovine u sektoru izgradnje novih proizvodnih energetske objekata u ukupnom kapacitetu od 7.700 MW.


Također, strateški važan segment unaprjeđenja energetske sigurnosti odnosi se na razvoj gasne infrastrukture, uključujući izgradnju ključnih gasnih interkonekcija – južne, sjeverne, zapadne i nove istočne – koje su od presudnog značaja za diversifikaciju izvora i pravaca snabdijevanja energentima. Pored toga, planirana izgradnja prvog skladišta gasa u BiH, u blizini rudnika soli Tetima, uz pripadajući gasovod Kladanj – Tuzla – Tetima, dodatno bi ojačala energetske sigurnost, posebno u zimskom periodu i u slučaju poremećaja u snabdijevanju.

U kontekstu energetske tranzicije, smanjenja zavisnosti od fosilnih goriva i povećanja udjela obnovljivih izvora (sunce, vjetar, hidroenergija), ovaj sporazum bi mogao poslužiti kao pokretač promjena i omogućiti pristup međunarodnim fondovima, ekspertizi i inovativnim rješenjima.

Zaključno, potpisivanje ovog sporazuma nije samo tehnički korak, već strateški potez koji bi doprinio stabilnosti, održivosti i sigurnosti energetskog sektora BiH, a istovremeno ojačao političku i ekonomsku povezanost sa Sjedinjenim Američkim Državama – jednim od ključnih partnera BiH na međunarodnoj sceni.


Član kolegija Predstavničkog doma PS BiH

Dr. Denis Zvizdic




Predsjedavajući Kluba poslanika Socijaldemokratske partije Bosne i Hercegovine

Saša Magazinović




Predsjedavajući Kluba poslanika Narod i pravda

Nihad Omerović



Predsjedavajuća Kluba poslanika Naša stranka – BHI KF

Sabina Čudić



Predsjedavajući Mješovitog kluba poslanika

Jasmin Emrić

